

1.09 IXAJ TUS POJNIAM

Chivkeeb 24

Ixaj txiv npe hu Aplaham. Vajtswv coglus tseg rau Aplaham hais tias yuav cia nws muaj menyuum thaum nws muaj hnunnyug lawm. Txawm yog Xalas uas yog Aplaham pojniam tsis ntseeg los, nkawd yug tau ib tug tub. Aplaham twb muaj ib puas xyoo, Xalas muaj cuaj caug xyoo. Nkawd tis npe rau tus tub hu ua Ixaj.

Ntau xyoo tom qab, Ixaj loj hlob tuaj. Nws niam tuag rau thaum muaj 127 xyoo. Tshuav Aplaham ib leeg nyob nyuaj siab ntsuav. Nws thiaj yuav tau ib thaj teb muaj liaj, muaj ib lub qab tsuas thiab muaj ntoo nyob hauv lub tebchaws Ka-na-as. Tej zaug ntawd yog ib qhov chaw zoo nkauj heev. Aplaham yuav thaj av ntawd tseg cia ua toj ntxas rau lawv tsev neeg. Nws thiaj muab Xalas faus rau hauv lub qab tsuas ntawm thaj teb ntawd.

Zaum no, Aplaham laus heev lawm. Nws hais rau nws tus qhev hais tias: “Koj coglus rau kuv hais tias koj yuav mus nrhiav ib tug ntxhais puag tim kuv lub qub tebchaws los rau kuv tus tub ua pojniam. Koj mus nrhiav hauv kuv tej txheeb ze thiab koj ib tug los ua Ixaj pojniam.” Tus qhev teb hais tias: “Yog tus ntxhais ntawd tsis kam nrog kuv los no yuav ua cas? Kuv yuav tsum koj Ixaj mus nyob tid ua vauv los?” “Tsis yog!” Aplaham hais khov kho “Vajtswv, tus uas nyob saum ceeb tsheej, yuav tso timtswv ua koj ntej thiab yuav pab koj nrhiav tau tus ntxhais uas yuav los ua Ixaj pojniam”

Tus tub qhe ntawd npaj ntau yam khoom thiab tej tsiaj mus pub rau Aplaham cov txheeb ze. Nws thiaj mus txog lub zos uas Aplaham tijlaus lawv nyob. Thiab thov Vajtswv qhia ib lub cim rau nws paub hais tias tus ntxhais uas yuav ua Ixaj pojniam ntawd yog tus twg. Thaum nws thov Vajtswv tag ces txawm muaj ib tug ntxhais tuaj nqa dej ntawm lub qhov dej. Tus qhev ntawd thiaj li thov mentsis dej haus, tus ntxhais ntawd teb nws hais tias: “Kuv yuav muab dej rau koj cov tsiaj haus thiab” Ntawd yog qhov uas yawg tubqhe no thov hais tias yog tus ntxhais ntawd muab dej rau cov tsiaj haus ntag. Nws thiaj zoo siab heev! Yog tus ntxhais ntawd lawn ntag! Nws thiaj lis tsa suab hais tias “Cia li qhuas Vajtswv.

Tus tub qhe ntawd nug hais tias, “Koj yog leejtwg tus ntxhais? Nws teb hais tias kuv yog Npe-thu-ees uas yog Aplaham tijlaug tus ntxhais. Kuv npe hu ua Lenpe-kas. Vajtswv muaj ib txojkev npaj zoo heev. “Kuv yuav koj koj mus yuav Aplaham tus tub Ixaj puas tau?” Tus tub qhe ntawd ho mus thov Npe-thu-ees ob niam txiv, nkawd pom zoo cia yuav.

Hnub tom qab tus tub qhe thov koj Lenpe-kas los, Lenpe-kas txaus siab nrog nws los. Tus ntxhais ntawd thiab lawv tsev neeg paub hais tias ntawm no yog Vajtswv tus kom tswj. Lawv tsev neeg thiaj npaj ntau yam khoom pub rau Lenpe-kas koj los ua nyab. Thaum Lenpe-kas pib yuav sawv kev los, ces lawv tsev neeg puavleej thov foom koobhmoov rau nws hais tias: “Koj yuav mus ua ntau haivneeg leej niam, thov kom koj tej xeebntxwv muaj zog khov kho.”

Tus tub qhe koj Lenpe-kas thiab Lenpe-kas cov qhev los rau tebchaws Kana-as. Lawv caij ntshuav los. Ixaj tabtom taug kev txhuav tuaj ces nws thiaj pom ib pab ntshuav los ze zuj zus. Lenpe-kas pom Ixaj, nws thiaj nqig saum ntshuav los, nws nug hais tias: “Tus ntawd yog leejtwg? Tus tub qhe ntawd thiaj qhia hais tias Ixaj yog leejtwg rau Lenpekas paub. Tus tubqhe no thiaj piav txhua yam rau Ixaj mloog txog txhua yam uas nws mus nrhiav tau tus ntxhais no los ua pojniam rau Ixaj.

Ixaj hlub Lenpekas heev thiab yuav ua pojniam. Rau qhov nws niam twb tuag tag, thaum tau ib tug pojniam li Lenpekas txhawb nws lub zog heev li.

1.09 IXAJ TUS POJNIAM – RAU TUS QHIA

Chivkeeb 24

Tej tseem ntsiab lus:

- 1) Xalas uas yog Ixaj niam tuag tag, Aplaham mus yuav tau ib thaj teb cia ua toj ntxas faus nws pojniam.
- 2) Aplaham txib nws tus tubqhe rov mus rau tid qub tebchaws nrhiav ib tug ntxhais rau Ixaj yuav pojniam.
- 3) Thaum tus tubqhe ntawd mus txog tid Aplaham cov kwvtij nyob, nws thov Vajtswv qhia ib lub cim rau nws paub thiab nrhiav tau yog tus ntxhais uas yuav los ua Ixaj pojniam. Muaj ib tug ntxhais zoo nkauj heev txawm tuaj nqa dej. Nws thiaj thov tus ntxhais ntawd ib qho dej haus. Tiamsis tus ntxhais ntawd tseem nqa dej rau nws cov tsiaj haus tibsi, thiab tus ntxhais ntawd twb yog lub cim uas tus tubqhe thov ntag. Tus ntxhais ntawd npe hu ua Lenpekas.
- 4) Tus tubqhe ntawd caum Lenpekas qab los tsev. Nws txiv yog Npetus-ees uas yog Aplaham tus tijlaug li tub. Npethu-ees nkawd ob niamtxiv pom cia Lenpekas nrog tus tubqhe ntawd los ua Ixaj pojniam.
- 5) Lenpekas thiab nws tus ntxhais qhev nrog lawv los rau tebchaws Kana-as. Ixaj hlub Lenpekas heev thiab yuav Lenpekas ua pojniam.

LUS NUG:

- 1) Txojkev nyuaj siab twg los raug Ixaj lawv tsev neeg?
- 2) Aplaham kom tus tubqhe mus ua dabtsi?
- 3) Vajtswv ua lub cim twg qhia rau tus tubqhe paub tias nws nrhiav tau yog tus ntxhais uas yuav los ua Ixaj pojniam lawm?
- 4) Npethu-ees, uas yog Lenpekas txiv yog leejtwg?
- 5) Ixaj hlub Lenpekas li cas?

LUS TEB:

- 1) Xalas, uas yog Ixaj niam tuag tag.
- 2) Aplaham kom tus tubqhe rov mus tid nws lub qub tebchaws nrhiav pojniam rau Ixaj.
- 3) Thaum tus tubqhe pom tus ntxhais ntawd zoo nkauj nws txawm thov ib qho dej haus, tus ntxhais ntawd tseem muab dej rau cov tsiaj haus thiab. Ntawd yog lub cim uas nws thov Vajtswv ntag.
- 4) Npethu-ees yog Aplaham tus tijlaug li tub.
- 5) Ixaj hlub Lenpekas heev.

Vajtswv lub zeemmuag uas muaj puvntoob rau Isxaj yog nws npaj Lenpekhas los rau Isxaj ua pojniam. Ntawm peb sawvdaws Vajtswv npaj tus tswv Yexus los rau peb.